



En mercui, ai 15.03.2017 complèsc Irma Nagler Pezzei da S.Linert 83 agn. Le Senioreclub y d'üta la Comunità ti aoda düt le bun, sanité y benedisciun de Dî.

La Uniun Patrones Badia lascia alsavèi che en domènia ai 19 de merz do mëssa gnarál venü, dan stüa di paur, primules a fin de bëgn (Südtiroler Krebshilfe).

Cianté de Carsëma y de lalt a S.Ujöp y al Beat J.M.Nusser, en domènia, ai 19 de merz dales 16:00 tla dljia da Lungiarü. Al cianta i cors de dljia La Val, S.Martin, Lungiarü y cor dles ères Al Plan. Organisaziun: E.p.L. – seziun cors de dljia.

Pelegrinaje söl lech da Starnberg te Paiern: al vëgn lascé alsavèi che al é ciamó posc lèdi por le iade organisé dal K.V.W. Val Badia dai 24 ai 27 de aurí. Informaziuns pro Hilda Sottara - 0474-523133 o 389231013.

Le Cunsèi Decanal dla Uniun dles Ères Val Badia dij giulan dla bela oferta de 1.436,7€ en le de de Oraziun dles Ères sö Oies. Giulan a dütes pur la partezipaziun ala liturgia y solidarieté a nostes sorus dles Filipines.

La biblioteca Sas dla Crusc invièia al'ora dles stories por mituns/ans dai 2 ai 5 agn te biblioteca a La Ila en lünesc ai 13 de merz dales 15:00.

Le grup joanil di destüdafüch de Badia chir ciamó mituns dai 12 agn insö che ess ligrèza da fá pert de chësc grup. Informaziuns pro Pasquale Pitscheider 3332341546 o Emanuel Delmonego 3496992467.

Le grup tēmp lēde "Atmosfera" por porones cun problems psichics se incunta en jöbia ai 16 de merz dales 15:30 tl Raiun Sozial a Picolin. Le tema sará "Les staziuns" cun na meditaziun. La mostra "Les Staziuns" é da odèi fina en Vëndres Sanc t'entrada dl Raiun Sozial a Picolin. Informaziuns pro Sabine tel. 0474/524519. Düc é dër bel inviá.


Cursc de inglesc: le KVW de Badia organisèia danü cursc de inglesc te biblioteca a Pedraces a mēt man dal 20 de merz 2017 y spo ciamó dai 2 de ma 2017 inant. Informaziuns pro Cristina al nr. 333/1591599.

Les iscriziuns ala Scora de musiga por l'ann de scora 2017/2018 vëgn tutes sö sēgn de merz. I formulars ciafon tl secretariat dla Scora de musiga a La Ila o sot a www.musikschule.it. Infos al nr. 0471/847748.

Impressum: Ploania Badia, redaziun Cristina Frena

Comunicaziuns cina jöbia sēra a parrocchiabadia@libero.it o frencri49@gmail.com

Download plata: www.valbadiaonline.it/comunite/ploanies/ploanies/ploania-badia.html



Plata dla Ploania

Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 12.03 - 19.03.2017 2ª Domènia de Carsëma n. 16

Trasfiguraziun dl Signur

...canch'ai á ciaré sö, n'odöi plü degügn, ater co Gejü.



Vangelo della prossima domenica - 3ª di Quaresima „A“ Giov. 4,5-15

In quel tempo, Gesù giunse a una città della Samaria chiamata Sicar, vicina al terreno che Giacobbe aveva dato a Giuseppe suo figlio: qui c'era un pozzo di Giacobbe. Gesù dunque, affaticato per il viaggio, sedeva presso il pozzo. Era circa mezzogiorno. Giunge una donna samaritana ad attingere acqua. Le dice Gesù: «Dammi da bere». I suoi discepoli erano andati in città a fare provvista di cibi. Allora la donna samaritana gli dice: «Come mai tu, che sei giudeo, chiedi da bere a me, che sono una donna samaritana?». I Giudei infatti non hanno rapporti con i Samaritani. Gesù le risponde: «Se tu conoscessi il dono di Dio e chi è colui che ti dice: Dammi da bere!, tu avresti chiesto a lui ed egli ti avrebbe dato acqua viva». Gli dice la donna: «Signore, non hai un secchio e il pozzo è profondo; da dove prendi dunque quest'acqua viva? Sei tu forse più grande del nostro padre Giacobbe, che ci diede il pozzo e ne bevve lui con i suoi figli e il suo bestiame?».

Gesù le risponde: «Chiunque beve di quest'acqua avrà di nuovo sete; ma chi berrà dell'acqua che io gli darò, non avrà più sete in eterno. Anzi, l'acqua che io gli darò diventerà in lui una sorgente d'acqua che zampilla per la vita eterna». «Signore – gli dice la donna –, dammi quest'acqua, perché io non abbia più sete e non continui a venire qui ad attingere acqua».

FUNZIUNS SACRES

12.03. 2^a DOMÈNIA de CARSEMA - ann A

- 10.00 Mëssa por la Comunità
15.00 Via Crucis
18.00 †to Carlo Dapunt - aniversar
†ti Lois Irsara de Jan y Artur Conrater
†ta Angela Costa (dal KVW) (al cianta le terzet)

13.03 Lünesc
07.30 Les Laudes

14.03. Mertesc - Mëssa cun le Senioreclub
14.00 †ta Angela Costa
†ta Franca Sernesi
por les animes dl purgatore



15.03. Mercui - Mëssa cun i scolars dla elementara
07.30 †to Linert Pitscheider - aniversar
†ta Candida Castlunger - aniversar
por fam. Franz y Lidia Pedratscher

16.03. Jöbia - Mëssa cun i crejimá y crejimanc
19.30 †ta Nane Granruaz Pitscheider
†ti Giovanni y Emma Irsara
†tes Maria Dapunt y Caterina Granruaz

17.03. Vëndres - S. Gertrud y Patrich
07.30 †to Sepl Pizzinini
†to Paul Ploner
†ti Giovanni, Adele y Albert Pescollderungg
18.00 Via Crucis (cun la Uniun di Èi)

18.03 Sabeda - S.Ziril y Eduard
16.00 Mëssa a Oies



19.03. 3^a DOMÈNIA de CARSEMA - ann A

- 10.00 Mëssa por la Comunità
15.00 Ora de adoraziun
18.00 †to Gerhard Pescoller - aniversar
†ti Paul y Albina Pizzinini
†ti Sepl y Teresa Rottonara y familiars

- Recordun che la festa de S.Ujöp (cun l' Uniun di Èi) gnará tignida en lünesc ai 20 de merz dales 19.30 •

Dala VITA dla CÛRA

Siur degan – lönesc sèra de Carsëma:

ince chësc ann oress siur degan fá incuntades cun la popolaziun, mo val' seres é bele rerservades ala Cûra, cun chësc program:

lönesc 13/3 cun siur degan al „Bar La Munt“ (20 - 21,30h) **“I trus ala vita”**

lönesc 20/3 te dljia **Festa de Sant' Ujöp** cun l'Uniun di Èi 19,30 h

lönesc 27/3 te dljia cun siur degan **la spligaziun dla dljia**

lönesc 3/4 te dljia les **Confesciuns da Pasca** 19,30 h (y 15 h)

lönesc 10/4 tl local di Ministranc introduziun tl' **Edema Santa** 20 h

Confesciuns tl tēmp de Carsëma: vigni domènia dales 17:00 inant y ince sö Oies pón tres se confessé. En **vëndres, ai 24 de merz** tignunse spo indô la **Liturgia Penitenziala** y ai **3 de aurí les confesciuns por Pasca**.

Senioreclub: duc é inviá en mertesc dales 14:00 te dljia por na santa mëssa (cun n at penitenzial plö lunch).

Crejimanc: ince por chësta jöbia inviun duc i crejimanc a tó pert ala mëssa. Se abinun bele dales 18:45 te ciasa di minis por porvé les cianties. Präibel daidede para.

Oraziun de Taizé: en vëndres ai 17 de merz dales 20:00 te capela a Oies.

Consèi de Cûra: al se abina en mertesc ai 14 de merz da sèra do mëssa te calonia.

“Fá para! A ci podessi pa renunzié ? » L'Unité Pastoral Val Badia inviä duc a fá deplü fora dla Carsëma. Jon fora da na Parora dl vangeli dla domènia metunse dant edema por edema na proposta concreta por valorisé danü la ligrèza y la speranza liada ala Bona Noela. Les esperiënzes pó gní partides con i atri les publican sön facebook (Gruppe: AktionVerzicht - lo rinuncio) o internet (www.aktion-verzicht.net)



12 – 19 de merz

„Ne stede a ti cunté a degügn ci ch'i èis odü cina che...”
Matí 4,4

Chëst'edema (y nia ma) ti vai sot ales informaziuns che i dá inant.

Cun mies parores pó fá tröp de bun.